

ARBEIDSPRAKTYKE AANSPREEKLIKHEID

OMSKREWE GEBEURTENISSE

Skadevergoeding wat die Versekerde regtens aanspreeklik word om te betaal voortspruitende uit enige Arbeidspraktyke ten opsigte van enige huidige of voormalige Werknemers, Persone wat geag word om werknemers te wees of aansoekers om indiensneming wat op of ná die terugwerkende datum wat in die bylae vermeld word plaasvind binne die Gebiedsperke en wat aanleiding gee tot 'n Eis of Eise wat aanvanklik gedurende die versekeringstydperk skriftelik teen die Versekerde ingestel word.

OMSKRYWINGS

Besigheid sal beteken en beperk wees tot hoogstens dit soos in die bylae van hierdie polis vermeld.

Eis sal beteken skriftelike of mondelinge kennisgewing ingedien deur:

1. enige huidige of voormalige Werknemer, Persoon wat geag word om werknemer te wees of aansoeker om indiensneming by die Versekerde, of
2. enige administratiewe of beheeragentskap, prokureur of agent namens sodanige persoon in 1 hierbo, dat die Versekerde verantwoordelik is vir Skadevergoeding voortspruitende uit enige Arbeidspraktyke. Eis sluit in siviele verrigtinge gebring voor die Kommissie vir Versoening, Bemiddeling en Arbitrasie (KVBA) en/of die Arbeidshof of enige ander behoorlik saangestelde hof binne die Republiek van Suid-Afrika, waar óf Skadevergoeding beweer word óf waar feitebepaling sal plaasvind, wanneer enige van die voorafgaande die werklike of beweerde gevolg is van enige Arbeidspraktyke waarop hierdie versekering betrekking het. Dit sluit die volgende in:
 - 2.1 'n arbitrasieverrigting waarin sodanige Skadevergoeding geëis word en waaraan die Versekerde hom met die Maatskappy se toestemming onderwerp;
 - 2.2 enige alternatiewe geskilbeslegtingsprosedure waarin sodanige Skadevergoeding geëis word en waaraan die Versekerde hom met die Maatskappy se toestemming onderwerp; of
 - 2.3 enige administratiewe verrigtinge ingestel voor die KVBA of die Arbeidshof ingevolge die Wet op Arbeidsverhoudinge, No. 66 van 1995 (soos gewysig, of enige Wet wat ter vervanging daarvan ingestel is), insoverre hulle betrekking mag hê op Arbeidspraktyke wat ingevolge hierdie afdeling gedek word.

Skadevergoeding sal beteken monetêre bedrae waarop hierdie versekering betrekking het en wat die Versekerde regtens verplig word om te betaal by wyse van 'n finale hofuitspraak, beslissing, bepaling of toekenning, of as 'n skikking waartoe die Maatskappy skriftelik ingestem het.

Skadevergoeding sluit die volgende in:

1. die kapitaalbedrag van enige hofuitspraak, beslissing, bepaling, toekenning of skikking;
2. enige rente betaalbaar op daardie kapitale bedrag; en
3. die eiser se regskoste.

Skadevergoeding sluit nie die volgende in nie:

1. siviele, kriminele, administratiewe of ander strafvoltagekings of boetes, met inbegrip van enige gedeelte van 'n uitspraak of toekenning wat 'n veelvoud van die vergoedingsbedrag, strafvoltagekking, konstitusionele, bestraffende of wraaksugtige skadevergoeding verteenwoordig;

2. billike regshulp, geregtelike of interdik regshulp, verklarende regshulp of enige ander hulp of verhaling buiten monetêre bedrae, tensy uitdruklik hierin daarvoor voorsiening gemaak word;
3. hofuitsprake of toekennings weens optrede wat regtens onversekerbaar is of as sodanig geag word;
4. enige betalings wat die Versekerde verplig word om te betaal ooreenkomstig 'n uitdruklike verpligting, hetsy ingevolge 'n statuut, dienskontrak of andersins (behalwe agterstallige betaling voortspruitende uit herindiensstelling of herindiensneming) in die geval van diensbeëindiging, met inbegrip van betaling in plaas van kennisgewing.

Persoon wat geag word om 'n werknemer te wees sal beteken 'n persoon wat nie 'n Werknemer is soos hierin omskryf nie, maar wat deur regswerking as sodanig geag word vanweë die mate van beheer en toesighouding wat deur die Versekerde verleen word. Hierdie term mag die volgende werkers insluit, maar slegs indien hulle deur regswerking as Werknemers van die Versekerde beskou word: kontrakwerkers; gehuurde werkers; tydelike werkers; vrywilligers; werknemers van onafhanklike kontrakteurs of enige individu wat 'n onafhanklike kontrakteur is; of nie-uitvoerende direkteure.

Verdedigingskoste sal beteken betalings of koste toegeken aan 'n spesifieke Eis vir die ondersoek, skikking of verdediging daarvan, met inbegrip van:

1. prokureursfooie en alle ander regsuitgawes.
2. redelike uitgawes op versoek van die Maatskappy deur die Versekerde aangegaan om die Maatskappy by te staan in die ondersoek of verdediging van enige Eis, met inbegrip van werklike verlies aan inkomste weens tyd afwesig vanaf werk.

Werknemer sal beteken enige persoon wat ingevolge 'n diens-of vakleerlingskontrak, skriftelik of mondelings, in die Versekerde se diens is, maar Werknemer sluit nie in enige Persoon wat geag word om 'n werknemer te wees nie.

Arbeidspraktyke sal beteken enige van die volgende werklike of beweerde praktyke wat hieronder gelys word en gerig is teen enige van die Versekerde se huidige of voormalige Werknemers, Persone wat geag word om 'n werknemer te wees of aansoekers om indiënsneming deur die Versekerde, en waarvoor remedie verlang word ingevolge die gemene reg of ingevolge die Wet op Arbeidsverhoudinge, No. 66 van 1995 (soos gewysig, of enige Wet wat ter vervanging daarvan ingestel word), die Wet op Gelyke Indiënsneming, No. 55 van 1998 (soos gewysig, of enige Wet wat ter vervanging daarvan ingestel word), en enige reëls, regulasies of praktykscodes soos ingevolge daardie Wette gepromulgeer:

1. onbillike weiering om 'n gekwalifiseerde aansoeker in diens te neem;
2. onbillike optrede in verband met indiënsneming, bevordering, demovering of opleiding;
3. onbillike skorsing of ander dissiplinêre optrede alles buiten ontslag;
4. onbillike ontslag met inbegrip van maar nie beperk nie tot konstruktiewe ontslag en operasionele beëindigings;
5. onbillike diskriminasie, hetsy regstreeks of onregstreeks, met inbegrip van viktimisasie wat mag insluit diskriminasie op grond van ras, geslag, seks, swangerskap, huwelikstatus, familieverantwoordelikheid, etniese of sosiale herkoms, kleur, seksuele georiënteerdheid, ouderdom, gestremdheid, godsdiens, MIV-status, gewete, geloof, politieke oortuiging, kultuur, taal en geboorte soos voorsien ingevolge die bepalings van die Wet op Gelyke Indiënsneming, No. 55 van 1998, of soos daarna gewysig of enige Wet wat ter vervanging daarvan ingestel word;
6. diens-verwante seksuele teistering; of
7. mondelinge of skriftelike publikasie van lasterlike materiaal of materiaal wat die reg tot privaatheid skend of inbreuk maak daarop.

Gebeurtenis sal beteken en insluit, maar is nie beperk nie tot, enige Arbeidspraktyke en enige bekende, regstreekse of onregstreekse feite of omstandighede wat tot 'n eis ingevolge hierdie afdeling aanleiding mag gee.

Versekerde sal beteken en insluit:

1. die Versekerde soos in die bylae aangedui (insluitend enige persoon, persone, vennootskap, korporasie of ander entiteit wat ook as die Versekerde in die bylae aangedui word), maar slegs in verband met die verrigtinge van die versekerde Besigheid;

2. enige huidige en voormalige prinsipale, vennote, lede of direkteure, beamptes en Werknemers van die genoemde Versekerde soos omskryf in 1 hierbo, maar slegs met betrekking tot hulle pligte as prinsipale, vennote, direkteure, beamptes en Werknemers van die Versekerde soos omskryf in 1 hierbo;
3. enige erfgename, eksekuteurs, administrateurs, gevolmagtigdes of regsverteenwoordigers van enige Versekerde waarna in 1 of 2 hierbo verwys word, in die geval van die dood, bankrotskap of onbevoegdheid van sodanige Versekerde, maar slegs insoverre die dekking ingevolge hierdie afdeling aan sodanige Versekerde beskikbaar sou gewees het;
4. enige organisasie wat die Versekerde nuut verkry of tot stand bring, behalwe 'n vennootskap of gesamentlike onderneming, en waarvoor die Versekerde eienaarskap of meerderheidsbelange behou indien ander soortgelyke versekering nie aan daardie organisasie beskikbaar is nie. Met dien verstande dat:
 - 4.1 die Versekerde die Maatskappy binne 30 dae vanaf die intreedatum van sodanige verkryging of totstandbringings skriftelik in kennis sal stel van sodanige verkryging of totstandbringings;
 - 4.2 dekking nie van krag is nie op enige Arbeidspraktyke wat plaasgevind het voor die Versekerde die organisasie verkry of tot stand gebring het;
 - 4.3 dekking ingevolge hierdie bepaling slegs toegestaan word tot die 30ste dag nadat die Versekerde die organisasie verkry of tot stand gebring het;
 - 4.4 na afloop van die 30-dae tydperk in 4.3 hierbo, dekking slegs van krag is indien die nuwe organisasie per endossement ingesluit is en enige bykomende premie betaalbaar, indien enige, betaal het.

Geen persoon of organisasie is 'n Versekerde ten opsigte van die optrede van enige huidige of voormalige vennootskap of gesamentlike onderneming, wat nie as 'n Versekerde in die bylae vermeld word nie.

Gebiedsperke sal beteken:

1. die Republiek van Suid-Afrika;
2. enige plek ter wêreld ten opsigte van die aktiwiteite van 'n persoon wie binne die gebiedsperke omskryf in 1 hierbo werksaam is, terwyl hy of sy vir 'n kort tydperk weg is op Besigheid van die Versekerde, met dien verstande dat die Versekerde se verantwoordelikheid om Skadevergoeding te betaal bepaal word in 'n hofsak (of in enige ander tipe siviele verrigting soos omskryf onder die omskrywing van Eis) oor die meriete en wat aanvanklik in die Republiek van Suid-Afrika aanhangig gemaak word ingevolge die materiële reg van die Republiek van Suid-Afrika.

Opsetlik of Opsetlikheid sal beteken optrede, of versuim daartoe, met doelbewuste of roekelose verontagsaming van die gevolge van die optrede of die versuim daartoe.

DIE SKADELOOSSTELLINGSPERK

Die aanspreeklikheid van die Maatskappy ingevolge hierdie afdeling met inbegrip van

1. alle Skadevergoeding waarvoor die Versekerde regtens aanspreeklik word om te betaal soos per die Omskrewe Gebeurtenisse;
2. alle Verdedigingskoste waarvoor skadeloosstelling ingevolge hierdie afdeling verleen word;
3. alle ander koste aangegaan deur die Maatskappy in die geval dat die Maatskappy sy regte ingevolge Algemene Voorwaarde 7 uitoefen;
4. enige rente opgeloopt en betaalbaar ingevolge die Wet op die Voorgeskrewe Rentekoers, No. 55 van 1975 (soos gewysig, of enige Wet wat ter vervanging daarvan ingestel word);

vir enige enkele Gebeurtenis of reeks Gebeurtenisse met een oorspronklike oorsaak of bron of gedurende enige enkele versekeringstydperk, sal in total beloop hoogstens die skadeloosstellingsperk wat in die bylae vermeld word. Indien die premies maandeliks deur middel van debietorders betaal word, word die woord "versekeringstydperk" verander om te lees "vir enige enkele tydperk van 12 agtereenvolgende maande vanaf die intree- of hernuwingsdatum".

SPESIFIEKE UITSLUITINGS

Die Maatskappy stel nie die Versekerde skadeloos nie teen enige aanspreeklikheid voortspruitende uit enige beweerde Eis(e), voortspruitende uit, gebaseer op of wat op enige wyse, hetsy regstreeks of onregstreeks, die volgende behels:

1. verbreking van enige uitdruklike verpligting:
 - 1.1 ingevolge enige dienskontrak, hetsy individueel of kollektief. Dit is egter nie van toepassing nie op aanspreeklikhede wat die Versekerde in die afwesigheid van sodanige dienskontrak op die hals sou haal; of
 - 1.2 ingevolge enige statut, dienskontrak of andersins, om in die geval van diens-beëindiging betalings te doen, met inbegrip van betaling in plaas van kennisgewing en/of oortolligheidsbetalings;
- 2 aanspreeklikheid deur die Versekerde aanvaar ingevolge enige kontrak, onderneming of ooreenkoms waar sodanige aanspreeklikheid in die afwesigheid van sodanige kontrak, onderneming of ooreenkoms nie die Versekerde sou toegekom het nie.
- 3 wetgewing wat betrekking het op:
 - 3.1 Werkersvergoeding en Werkgewersaanspreeklikheid, ongeskiktheidsvoordele, werkloosheidsvergoeding of enige soortgelyke wetgewing. Hierdie uitsondering is egter nie van toepassing nie op enige Eis wat gebaseer is op, voortspruitende uit of as gevolg van enige werklike of beweerde vergeldende optrede van die eiser deur die Versekerde op grond van die eiser se uitoefening van regte ooreenkomstig enige sodanige wet;
 - 3.2 die Wet op Basiese Diensvoorwaardes, No. 75 van 1997 (soos gewysig, of enige Wet wat ter vervanging daarvan ingestel is), die Wet op Vaardigheidsontwikkeling, No 97 van 1998 (soos gewysig, of enige Wet wat ter vervanging daarvan ingestel is), die Wet op Beroepsgesondheid en Veiligheid, No. 85 van 1993 (soos gewysig, of enige Wet wat ter vervanging daarvan ingestel is), die Wet op Gesondheid en Veiligheid in Myne, No. 29 van 1996 (soos gewysig, of enige Wet wat ter vervanging daarvan ingestel is), of enige wetgewing wat uitsluitlik voortspruit uit 'n reg wat deur die Grondwet van die Republiek van Suid-Afrika, Wet No. 108 van 1996 (soos gewysig), toegestaan is. Hierdie uitsluiting is ook van toepassing op enige reëls of regulasies wat ingevolge van die voormelde gepromulgeer is en wysigings daaraan of enige soortgelyke voorsienings van enige wetgewing en op daardie deel van enige Skadevergoeding wat toegeken is vir die koste van vervanging van enige versekeringsvoordele verskuldig aan, of wat beweer verskuldig te wees, aan enige huidige of voormalige Werknemer;
 - 3.3 die Wet op die Bevordering van Gelykheid en Voorkoming van Onbillike Diskriminasie, No. 4 van 2000 (soos gewysig, of enige Wet wat ter vervanging daarvan ingestel is), die Wet op die Voorkoming van Onwettige Uitsetting en Onregmatige Besetting van Grond, No. 19 van 1998 (soos gewysig, of enige Wet wat ter vervanging daarvan ingestel is) en die Wet op die Uitbreiding van Sekerheid van Verblyfreg, No. 62 van 1997 (soos gewysig, of enige Wet wat ter vervanging daarvan ingestel is). Hierdie uitsluiting is ook van toepassing op enige reëls of regulasies wat ingevolge enige van die voormelde gepromulgeer is en wysigings daaraan, of enige soortgelyke voorsienings van enige wetgewing;
 - 3.4 kontrakte wat beweer word kras, onbillik, gewetenloos of nie in die openbare belang te wees nie;
 - 3.5 die administrasie van enige werknemervoordeelplan met inbegrip van, maar nie beperk nie tot, pensioen-, voorsorg- en aftreefondse, mediese skemas en uitgestelde vergoeding en/of effekte-/aandele-opsies. Dit sluit fidusiële aanspreeklikheid en enige ander aanspreeklikheid ingevolge enige sodanige wette in;
 - 3.6 die vestiging of regulering van kollektiewe bedingingsregte.
- 4 mondelinge of skriftelike publikasies van materiaal, indien sodanige materiaal:
 - 4.1 deur of in opdrag van die Versekerde gepubliseer is met kennis van die valsheid daarvan; of
 - 4.2 die eerste keer gepubliseer is voor die terugwerkende datum wat in die bylae vermeld word;
- 5 optrede in verband met of versuim om te voldoen aan enige wetgewing of enige staats- of administratiewe voorskrif of regulasie of enige toekenning deur enige hof of tribunaal, indien die optrede of versuim:
 - 5.1 aan die kant van die Versekerde of met die Versekerde se toestemming was; en
 - 5.2 bepaal deur 'n hofuitspraak of finale beslissing om oneerlik, krimineel, bedrieglik of Opsetlik te wees.

Vir die doeleindes van hierdie uitsluiting sal die oneerlikheid, misdaad, bedrog of Opsetlikheid van 'n Versekerde nie enige ander Versekerde toegereken word nie;

- 6 dood of fisieke besering aan die liggaam, geestesbesering, siekte of kwaal van enige aard, met inbegrip van, maar nie beperk nie tot, post-traumatische stressindroom, en enige siekte of kwaal van enige aard opgedoen deur enige persoon as gevolg van, of voortspruitende uit of in verband met enige oorsaak hoegenaamd.
- 7 Arbeidspraktyke wat plaasvind wanneer of nadat:
 - 7.1 die Versekerde aansoek doen om, of geplaas word in, bankrotskap, insolvensie of likwidasië; of
 - 7.2 enige ander besigheidsentiteit 'n eienaarskapbelang van meer as vyftig persent in die Versekerde of Besigheid bekom.
- 8 die koste om te voldoen aan fisieke modifikasies aan die Versekerde se persele of enige wysigings aan die Versekerde se besigheidsbedrywighede soos mag voorgeskryf word deur die Wet op Gelyke Indiësneming, No. 55 van 1998 (soos gewysig, of enige Wet wat ter vervanging daarvan ingestel is) of enige soortgelyke wetgewing;
- 9 uitsluiting, staking, betooglinievorming, verwante werkervanging(s) of ander soortgelyke optrede voortspruitende uit arbeidsgeskilte of arbeidsonderhandelinge, met inbegrip van enige eis vir regverdige en billike vergoeding ingevolge die Wet op Arbeidsverhoudinge, No. 66 van 1995 (soos gewysig, of enige Wet wat ter vervanging daarvan ingestel is);
- 10 Skadevergoeding ten opsigte van hofuitsprake wat in die eerste instansie gelewer is deur of verkry is in 'n ander hof as 'n hof met bevoegde jurisdiksie binne die Republiek van Suid-Afrika;
- 11 koste en regsuitgawes verhaal deur enige eiser van die Versekerde wat nie aangegaan word in en verhaalbaar is nie in die area omskryf in 10 hierbo; welke gebeurtenis plaasgevind en afgehandel was voor die aanvang van hierdie afdeling.
- 12 Eis voortspruitende uit enige Gebeurtenis wat aan die Versekerde bekend was, of wat redelikerwys bekend moes gewees het, of wat vermoed was deur die Versekerde:
 - 12.1 welke Gebeurtenis nie skriftelik by die Maatskappy aangemeld is in terme van Algemene voorwaarde 6 nie;
 - 12.2 welke Gebeurtenis plaasgevind en afgehandel is voor die inwerkingtreding van hierdie afdeling;
- 13 Eis (in die geval van kansellasië of nie-hernuwing van hierdie afdeling) wat nie aanvanklik binne die tydperk van 48 maande (of verlengde tydperk in die geval van minderjariges) skriftelik teen die Versekerde ingestel word nie soos gespesifiseer in Spesifieke voorwaarde 2;
- 14 regs aanspreeklikheid veroorsaak deur, voortspruitende uit, of waartoe op enige wyse bygedra word deur enige Arbeidspraktyke wat plaasvind binne die Gebiedsperke en te eniger tyd voor die terugwerkende datum wat in die bylae vermeld word, en welke selfde Arbeidspraktyke na die terugwerkende datum voortduur en wat aanleiding gee tot 'n Eis of Eise wat aanvanklik gedurende die versekerings tydperk skriftelik teen die Versekerde ingestel word;
- 15 eerste bedrag betaalbaar in die bylae vermeld wat van toepassing sal wees op iedere en elke Eis, of enige aantal Eise voortspruitende uit alle Gebeurtenisse van 'n reeks wat volg op of toe te skryf is aan enige enkele bron of oorspronklike oorsaak. Indien geen Skadevergoeding ten opsigte van enige Eis betaal word nie, is die Versekerde steeds verplig om die toepaslike eerste bedrag te betaal vir enige Verdedigingskoste wat die Maatskappy opgehoop het en die skadeloosstellingsperk sal met sodanige betaling verminder word.

SPESIFIEKE VOORWAARDES

1. Enige Eis wat aanvanklik teen die Versekerde ingestel word as gevolg van 'n omskrewe gebeurtenis wat ingevolge Algemene voorwaarde 6 (hierna die aangemelde gebeurtenis genoem) aangemeld word, word hanteer asof dit aanvanklik teen die Versekerde ingestel is op dieselfde dag waarop die Versekerde die Gebeurtenis by die Maatskappy aangemeld het.
2. In die geval van kansellasië of nie-hernuwing van die polis:
 1. word enige Eis as gevolg van 'n aangemelde Gebeurtenis wat aanvanklik teen die Versekerde

ingestel word gedurende die 48 maande onmiddellik na kansellasië of nie-hernuwing, hanteer asof dit teen die Versekerde ingestel is op dieselfde dag wat die Versekerde die Gebeurtenis aangemeld het. Indien die eiser minderjarig is, word die tydperk van 48 maande verleng tot na die verstryking van 12 maande nadat die eiser meerderjarig word;

2. mag die Versekerde 'n Gebeurtenis ingevolge Algemene Voorwaarde 6 by die Maatskappy aanmeld tot en met 15 dae na kansellasië of nie-hernuwing, met dien verstande dat:

- 2.2.1 sodanige Gebeurtenis gedurende die versekeringstydperk plaasgevind het;

- 2.2.2 enige daaropvolgende Eis wat aanvanklik skriftelik teen die Versekerde ingestel word as gevolg van sodanige Gebeurtenis, hanteer word asof dit aanvanklik op die laaste dag voor kansellasië of nie-hernuwing ingestel is en dat dit onderworpe is aan die tydperk van 48 maande wat in 2.1 hierbo gespesifiseer word;

- 3 Enige reeks Eise wat gedurende enige versekeringstydperk deur een of meer eisers teen die Versekerde ingestel word as gevolg van een Gebeurtenis of reeks Gebeurtenisse met een oorspronklike oorsaak of bron, word hanteer asof hulle almal aanvanklik skriftelik teen die Versekerde ingestel is:
 1. op die datum waarop die Versekerde die Gebeurtenis ingevolge Algemene voorwaarde 6 aangemeld het, of
 2. indien die Versekerde onbewus was van enige Gebeurtenis of dit nie redikerwys vermag kon word om van sodanige Gebeurtenisse bewus te gewees het nie, of nie 'n Gebeurtenis vermoed het wat tot 'n Eis aanleiding kon gee nie, op die datum waarop die eerste Eis van die reeks aanvanklik teen die Versekerde ingestel word;
- 4 Die Versekerde se regte en pligte ingevolge hierdie afdeling mag nie sonder die Maatskappy se vooraf skriftelike toestemming oorgedra word nie;
- 5 Onderworpe aan Spesifieke Uitsondering 7.1, onthef die bankrotskap, insolvensie of likwidasië van die Versekerde of die Versekerde se boedel nie die Maatskappy van sy verpligtinge ingevolge hierdie afdeling nie.

KLOUSULES EN UITBREIDINGS

Verlengde aanmeldingsopsie

Na die keuse van die Versekerde en onderworpe aan die betaling van 'n bykomende premie wat bepaal sal word en onderworpe aan al die bepalings, uitsluitings en voorwaardes van hierdie afdeling, stem die Maatskappy in om die tydperk waartydens die Versekerde ingevolge Algemene voorwaarde 6 'n Gebeurtenis mag aanmeld, te verleng vir 'n tydperk waarop ooreengekom word, maar onder geen omstandighede langer as 36 maande nie (hierna die verlengde aanmeldingstydperk genoem). Met dien verstande dat:

1. hierdie opsie net uitgeoefen mag word indien die Maatskappy hierdie afdeling kanselleer of weier om dit te hernu;
2. hierdie opsie skriftelik deur die Versekerde uitgeoefen moet word binne 30 dae na kansellasië of nie-hernuwing;
3. hierdie opsie, nadat dit uitgeoefen is, nie deur die Versekerde of die Maatskappy gekanselleer kan word nie;
4. die Versekerde nie versekering verkry het wat in omvang en dekking gelykstaande is aan hierdie afdeling wat verstryk het nie;
5. die Maatskappy slegs aanspreeklik is vir 'n omskrewe gebeurtenis wat plaasgevind het na die terugwerkende datum, maar voor die datum van kansellasië of nie-hernuwing;
6. Eise wat aanvanklik teen die Versekerde ingestel word of enige aangemelde Gebeurtenisse deur die Versekerde gedurende die verlengde aanmeldingstydperk, hanteer word asof hulle aanvanklik ingestel of aangemeld is op die laaste dag voor die kansellasië of nie-hernuwing;
7. die totale bedrag wat deur die Maatskappy betaalbaar is vir Eise of aangemelde Gebeurtenisse gedurende die verlengde aanmeldingstydperk, nie die uitwerking het dat die skadeloosstellingsperk wat op die laaste dag voor die kansellasië of nie-hernuwing van toepassing was, verhoog nie;
8. enige Eis wat na 'n aangemelde Gebeurtenis gedurende die verlengde aanmeldingstydperk ingestel word en wat aanvanklik langer as 48 maande na die laaste dag voor kansellasië of nie-hernuwing teen die

Versekerde ingestel word, nie onderworpe is aan skadeloosstelling ingevolge hierdie uitbreiding nie. Indien die eiser minderjarig is, word die tydperk van 48 maande verleng tot na die verstryking van 12 maande nadat die eiser meerderjarig word.

Vir interne makelaarsgebruik alleenlik - van tyd tot tyd onderhewig aan klein veranderinge